

尚
綱
齋
集

卷一

卷二

卷三

卷四

尚
絀
齋
集

四庫全書珍本初集
別集
集
類部

商務印書館受教育
部中央圖書館籌備
處委託景印故宮博
物院所藏文淵閣本



詳校官庶吉士臣朱理

中書臣劉源溥覆勘

商務印書館史部
部中央圖書館籌備
處委託景印敕官博
物院所藏文淵閣本

欽定四庫全書

集部六

尚絅齋集

別集類五明

提要

臣等謹案尚絅齋集五卷明童冀撰冀字中

州金華人生于元末洪武丙辰被徵入書館
後為湖州府教授調北平坐罪卒此集不知
何人所編分詩文為二集體例襍糅殆不可
讀就其編目考之原目當為金華集南行集

雪川集北游集四種前三集兼載詩文惟北
游集有詩無文後人不知古法以詩歸詩以
文歸文分為二集而詩文之中又不各歸其
類前後複疊職此之由幸其雖經割裂尚未
竄亂猶有端緒可尋今詳考標題仍分為四
集中間時有闕文又雪川集末跋唐五王醉
歸圖一篇書柳子厚伊尹五就桀贊後一篇
書王簡死事傳後一篇書金節婦傳後一篇

書集芳詩文卷後一卷卜釋一篇悉有錄無
書蓋蠹蝕殘缺今亦仍其舊冀在明初與宗
濂張羽姚廣孝相倡和詞意清剛不染元季
綺靡之習雖名不甚著而在一時作者之中
固亦有隨無愧也乾隆四十四年三月恭
校上

總纂官臣紀昀陸錫熊臣孫士毅

總校官臣陸費墀

總校官庶吉士臣倉聖脉

校對官中書臣嵇承志

謄錄監生臣華光楣

欽定四庫全書

尚絅齋集卷一

明 童冀 撰

金華集上

五言古詩

古詩十首

弱齡抱高尚雅志在丘園胡為坐維繫偏側城府間窮
年守鉛槧嚴程如作官日晏甫朝食冬裘春不完達生

貴適意詎敢求晏安永懷沮溺徒躬耕非所歎

窮巷謝輪鞅寂寞如荒村閉門十日雨不知綠陰繁
編簡久息意況復謀琴尊日晏倒衣起竟夕坐前軒
孫生亦閉戶董子不窺園嗟我獨無為愧此歲月奔

端居澹無營窮巷守環堵食罷何所為臨池聽疎雨
秋風入庭樹柯葉已非故人生無百年玄髮忽改素
有酒且作樂勿為浮名誤

宿雨霽清曉綠陰布庭隅開軒緬遙岑好鳥鳴相呼
茲

辰豈不佳擊衣步前除仰睇雲中鳶俯羨淵底魚物性各有適吾生諒何如

空齋闌無事焚香坐清晨客至惟清談客去常杜門茲辰偶愜意駕言出城闈昔遊歲未殫今來已徂春冉冉四序換種種雙鬢新盛年不重來俯仰愧古人

豫章生道傍拱把尋斧斤樗櫟老空山百歲長輪囷良材世所用蚤與憂患鄰惡木處散地迺得全其真出處慎所擇君子懼失身

梧桐樹西披濯濯青琅玕春風一披拂翠葉敷雲端高
枝集鳳鳥卑枝宿鴉鸞清秋下白露摧折同艾菅本非
歲寒質零落何所歎

藝菊庭階下草盛菊不蕃物性各有時勿怨雨露偏嚴
霜被蕭艾始見金英繁託形寓宇內榮悴非一端窮達
安所遇庶以全吾天

結髮業墳典志尚希古人區區守章句坎壈愧此身洙
泗道已遠伊洛行復湮歲月不我與五十恐無聞君子

貴達道志士斯求仁

天地大無外伊人處其中寸心具萬善上帝所降衷胡
為汨利欲擾擾昧始終修名不早立甘與草木同聖賢
亦何人令德垂無窮

雜詩四首

叔孫制朝儀高論傾漢庭綿蕞習野外禮樂何由興東
魯致諸儒兩生獨不行豈不達時變阿世非人情周公
昔制作乃待治化成用舍固有命出處良不輕

昔有漢陰叟抱甕日灌畦鑿隧入古井功寡力已疲桔
槔暫俯仰薄之乃不為區區叔世事有械皆危機斯人
不可作吾將誰與歸

翟公罷庭尉賓客如晨星一旦復拜官夾道相逢迎署
門亦頗隘外物何重輕四序更代謝日月有虧盈天運
且如此況復時世情

原憲守環堵窮巷席為門賜也相衛歸結駟從華軒迂
轡偶見過握手道殷勤窮達各有命貧病安足論君子

貴行道毋為羞賤貧

盛生詩

盛生德茂者家世乃儒紳厥兄舍鉛槧吏牘期致身微文
偶失憤密網無縱鱗逮繫岸獄中藁瘞荒江濱生時奉菽
水升堂拜慈親泣血叩首路弗憚千里勤干戈猶在目道
路蕃棘榛崎嶇霜霰途涉歷踰十旬間道負骨歸號慟驚
四鄰先壟幸可祔羞慙地下魂窮冬十二月積雪遍郊原
上天忽敷祐列岫明朝暎寔寔安厝浩蕩風雪昏天人

良不遠一念至理存我思天壤間手足惟弟昆周公稱上
聖管蔡乃流言舜象本同生謀謨蓋都君前聖且不免況
復後世人惟生詩禮家孝義耳所聞趙禮昔讓肥艱難
賊推仁繆彤痛自撾諸婦感天倫淮南自貽戚斗粟悲
漢文陳思詠豆萁魏帝傷同根喟彼叔世士相視越與
秦死喪孰孔懷鬩牆誠寡恩我作盛生詩庶使薄俗敦

吳貞媛詩

有序

吳貞媛者和之含山人年十五歸郡人王綱